

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za urbanističko planiranje, građenje,  
imovinsko-pravne i geodetske poslove  
Broj: 03/2-27-439/22  
Bihać, 24.03.2022. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj: 3/16), a u vezi sa članom 52. stav (1) tačka a) Statuta grada Bihaća („Službeni glasnik Grada Bihaća“, broj: 13/15 i 13/18) Gradonačelnik u svojstvu predlagača propisa i drugih akata

**O D R E Đ U J E**

Izjestioca: Pomoćnika gradonačelnika za urbanističko planiranje, građenje, imovinsko-pravne i geodetske poslove, mr. Damira Smajića, dipl.pravnika, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o utvrđivanju javnog interesa za nepotpunu eksproprijaciju nekretnina u svrhu izgradnje podzemnog kablovskog 20(10) kV dalekovoda, dionica TS „Križ 3“- TS „Žegar škola“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za urbanističko planiranje, građenje, imovinsko-pravne i geodetske poslove

Broj: 03/2-27-439/22

Bihać, 24.03.2022. godine

GRADSKO VIJEĆE  
GRADA BIHAĆA

- o v d j e -

**PREDMET:** Prijedlog Odluke o utvrđivanju javnog interesa za nepotpunu eksproprijaciju nekretnina u svrhu izgradnje podzemnog kablovskog 20(10) kV dalekovoda, dionica TS „Križ 3“- TS „Žegar škola“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać, dostavlja se

U skladu sa odredbom člana 52. stav (1) tačka b) Statuta Grada Bihaća („Službeni glasnik Grada Bihaća“, broj: 13/15 i 13/18), a u vezi sa članom 140. tačka d) Poslovnika Gradskog vijeća Bihać („Službeni glasnik Grada Bihaća“ broj: 3/16 i 4/20) u prilogu vam dostavljam prijedlog Odluke o utvrđivanju javnog interesa za nepotpunu eksproprijaciju nekretnina u svrhu izgradnje podzemnog kablovskog 20(10) kV dalekovoda, dionica TS „Križ 3“- TS „Žegar škola“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

## O B R A Z L O Ž E N J E

### I PRAVNI OSNOV

Pravni osnov za donošenje Odluke o utvrđivanju javnog interesa sadržan je u članu 14. stav (4) Zakona o eksproprijaciji („Službene novine F BiH“, broj: 70/07, 36/10, 25/12 i 34/16) kojim je propisano da Odluku o utvrđivanju javnog interesa za izgradnju objekta ili izvođenje radova na području grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, te u članu 35. stav (1) tačka c) Statuta Grada Bihaća („Službeni glasnik Grada Bihaća“, broj: 13/15 i 13/18), kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga grada i daje njihovo tumačenje.

## II RAZLOZI DONOŠENJA

JP „Elektroprivreda BiH“ d.d. Sarajevo, Podružnica „Elektrodistribucija“ Bihać, zastupano po punomoćniku Advokatsko društvo „Mustedanagić-Hajrulahović“ d.o.o. Cazin, podnijelo je Gradskom vijeću, putem Službe urbanističko planiranje, građenje, imovinsko-pravne i geodetske poslove, prijedlog za donošenje Odluke o utvrđivanju javnog interesa za nepotpunu eksproprijaciju nekretnina u svrhu izgradnje podzemnog kablovskog 20(10) kV dalekovoda, dionica TS „Križ 3“- TS „Žegar škola“.

Razmatrajući prijedlog i priložene dokaze, utvrđeno je da je na zahtjev JP „Elektroprivreda BiH“ d.d. Sarajevo, Podružnica „Elektrodistribucija“ Bihać, Služba za urbanističko planiranje, građenje, imovinsko-pravne i geodetske poslove, donijela rješenje broj: 03/1-23-1-1095/18 od 28.06.2021. godine kojim se daje urbanistička saglasnost za izgradnju podzemnog kablovskog 20(10) kV dalekovoda, dionica TS „Križ 3“- TS „Žegar škola“, te da je podnosilac prijedloga priložio Elaborat katastarske obrade trase za izgradnju kablovskog dalekovoda Dionica TS „Križ 3“- TS „Žegar škola“, kao i podatke o nekretninama za koje predlaže utvrđivanje javnog interesa.

Odredbom člana 14. stav (4) Zakona o eksproprijaciji ( „Službene novine Federacije BiH“, broj 70/07, 36/10, 25/12 i 34/16) propisano je da Odluku o utvrđivanju javnog interesa za izgradnju objekta ili izvođenje radova na području Grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, a kako za predmetno područje nije donesen regulacioni plan ili urbanistički projekat, ispunjeni su uslovi da se javni interes utvrdi na osnovu Odluke Gradskog vijeća.

S obzirom na to da bi izgradnjom podzemnog kablovskog 20(10) kV dalekovoda, dionica TS „Križ 3“- TS „Žegar škola“, bilo obezbjeđeno kvalitetno elektroenergetsko napajanje postojećih krajnjih kupaca električnom energijom kao i stvaranje uslova za priključenje novih kupaca, smatram opravdanim donošenje ove Odluke i predlažem da se ista usvoji u prezentiranom tekstu.

## III FINANSIJSKA SREDSTVA

Za realizaciju ove Odluke korisnik eksproprijacije, JP „Elektroprivreda BiH“ d.d. Sarajevo, Podružnica „Elektrodistribucija“ Bihać, obezbijedilo je finansijska sredstva.

Postupak vodila:

Mirela Delić, dipl. pravnik

Pomoćnik gradonačelnika za urbanističko planiranje,  
građenje, imovinsko-pravne i geodetske poslove  
mr. Damir Smajić, dipl. pravnik

Gradonačelnik  
Šuhret Fazlić

Na osnovu člana 14. stav (4) Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16) i člana 35. tačka c) Statuta grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Bihać na sjednici održanoj dana \_\_\_\_\_ 2022. godine, donijelo je:

## O D L U K U

o utvrđivanju javnog interesa za nepotpunu eksproprijaciju nekretnina u svrhu izgradnje podzemnog kablovskog 20(10) kV dalekovoda, dionica TS „Križ 3“- TS „Žegar škola“, Grad Bihać u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać.

### I

Utvrđuje se da je od javnog interesa nepotpuna eksproprijacija nekretnina u svrhu izgradnje podzemnog kablovskog 20(10) kV dalekovoda, dionica TS „Križ 3“- TS „Žegar škola“, te da se u tu svrhu može pristupiti nepotpunoj eksproprijaciji nekretnina označenih kao:

- dio od 1 m<sup>2</sup> k.č.br. 9052/2 „Škola sa dvorištem“, Elektroenergetski objekt, površine 8 m<sup>2</sup> upisane u posjedovnom listu broj 7863 k.o. Bihać-grad sa upisom prava posjeda u korist JP „Elektroprivreda BiH“ d.d. Sarajevo, Podružnica „Elektrodistribucija“ Bihać sa dijelom 1/1, kojoj nekretnini po starom katastarskom operatu odgovara dio k.č. br. 2048 SP Bhać za koju je prema podacima Zemljišnoknjižnog ureda u Bihaću zk.ul. uništen;

- dio od 1 m<sup>2</sup> k.č.br. 9052/1 „Škola sa dvorištem“, Zgrada obrazovanja površine 564 m<sup>2</sup> i dvorište površine 3045 m<sup>2</sup> upisane u posjedovnom listu broj 3551 k.o. Bihać-grad kao posjed Osnovne škole „Ante Rukavine“ Žegar sa dijelom 1/1, kojoj nekretnini po starom katastarskom operatu odgovara dio k.č. br. 2048/2 k.o. SP Bihać za koju je prema podacima Zemljišnoknjižnog ureda u Bihaću zk.ul. uništen i dio k.č.br. 2049/3 „Oranica Križ“, oranica površine 2050 m<sup>2</sup> upisane u zemljišnoknjižnom ulošku br. 3828 k.o. SP Bihać kao suvlasništvo Jengiće (Šime) Josipa sa dijelom 1/4, Salopek rođ. Jengiće Mire sa dijelom 1/4, Jengiće (Petra) Zimke sa dijelom 1/8, Jengiće (Petra) Vesne sa dijelom 1/8, Jengiće (Stjepana) Vesne sa dijelom 1/8 i Jengiće (Stjepana) Ferdinanda sa dijelom 1/8;

- dio od 283 m<sup>2</sup> k.č.br. 9637 Ulica Braće Šarića, Ulica, površine 10619 m<sup>2</sup> upisane u posjedovnom listu broj 1323 k.o. Bihać-grad kao posjed Društvena svojina, Javni nekategorisani putovi sa dijelom 1/1, kojoj nekretnini po starom katastarskom operatu odgovara dio k.č.br. 1297/19 „Pašnjak Luke“ površine 1803 m<sup>2</sup> upisane u zemljišnoknjižnom ulošku br. 9448 k.o. SP Bihać kao vlasništvo Grada Bihaća sa dijelom 1/1 i

- dio od 6 m<sup>2</sup> k.č.br. 7820 „Prilaz ulici Braće Šarića“, prilazni put , površine 1141 m<sup>2</sup> upisane u posjedovnom listu broj 1323 k.o. Bihać-grad kao posjed Društvena svojina, Javni

nekategorisani putovi sa dijelom 1/1, kojoj nekretnini po starom katastarskom operatu odgovara dio k.č.br 1297/1 „pašnjak Križ“, pašnjak površine 4177 m<sup>2</sup> upisane u zemljišnoknjižnom ulošku br. 157 k.o. SP Bihać sa upisom Opštenarodne imovine sa dijelom 1/1 i dio k.č.br. 2001 koja je bila upisana u zemljišnoknjižni uložak br. 16 k.o. SP Bihać sa upisom javnog dobra sa dijelom 1/1, a koja je u postupku harmonizacije brisana.

## II

Utvrđuje se da je JP „Elektroprivreda BiH“ d.d. Sarajevo, Podružnica „Elektrodistribucija“ Bihać korisnik eksproprijacije zemljišta iz tačke I ove Odluke.

## III

Protiv ove Odluke se može pokrenuti upravni spor podnošenjem tužbe Kantonalnom sudu u Bihaću u roku od 30 dana od dana prijema ove Odluke. Tužba se podnosi neposredno nadležnom sudu.

Gradsko vijeće


Broj:

Bihać,

godine

Predsjedavajući Gradskog vijeća

Zulfikar Handukić



	15.02.18	Datum	Ime	Na.ziv	Izgradnja KB 10(20) kv Dionica TS Križ 3 - TS Žegar škola Lokacija: Žegar Grad Bihać	
	Projek.	Refik H.				
	Kontr.	Ismar B.				
		JP ELEKTROPRIVREDA BIH Podr. "Elektrodistr.", Bihać Služba za pripremu inv.	Oznaka	73-02-18	List 1 UK L1	
St.l.	Izmjena	Datum	Ime	M 1:2500	Izv.pod	Zam.j.za